

清淨心經疏
卷之三
三昧智地
九師



蓮宗九祖頌

宗乘教義兩融通
所悟與佛無異同
戒業永斷猶坯器
經雨則化棄前功
由此力修念佛行
決欲現生出樊籠
苦口切勸學道者
生西方可紀大雄

民國廿八年

10/15 PM

一
不
是
一
香
一
微
骨
急
得
梅
一
樣
鼻
香

重
年
大
師
伯
司
成
公
賜
尾
台
台



閱藏知津敘

心外無法。祖師所以示卽法之心。法外無心。古語所以闡卽心之法。並傳佛命。覺彼迷情。斷未有欲弘佛語。而可不深究佛心。亦未有旣悟佛心。而仍不能妙達佛語者也。今之文字阿師。拍盲禪侶。竟何如哉。嗚呼。吾不忍言之矣。昔世尊示入涅槃。初祖大迦葉卽白眾云。如來舍利。非我等事。今者宜先結集三藏。勿令佛法速滅。嗟嗟。儻三藏果不足傳佛心。則初祖何以結集爲急務耶。竊謂禪宗之有三藏。猶弈秋之有碁子也。三藏之須禪宗。猶碁子之須活眼也。均一碁

子也。善弈者。則著著皆活。不善弈者。則著著皆死。均此三藏也。知佛心者。則言言皆了義。不知佛意者。則字字皆瘡疣。若爲懲隨語生見。遂欲全棄佛語。又何異因咽廢飯哉。夫三藏之不可棄。猶飲食之不可廢也。明矣。不調飲食。則病患必生。不閱三藏。則智眼必昧。顧歷朝所刻藏乘。或隨年次編入。或約重單分類。大小混雜。先後失準。致使欲展閱者。茫然不知緩急。可否。故諸刹所供大藏。不過緘置高閣而已。縱有閱者。亦罕能達其旨歸。辨其權實。佛祖慧命。真不啻九鼎一絲之懼。而諸方師匠。方且或競人我。如兄弟之

閱牆。或趨名利。如蒼蠅之逐臭。或妄爭是非。如癡犬之吠井。或恣享福供。如燕雀之處堂。將何以報佛恩哉。唯宋有王古居士。創作法寶標目。明有蘊空沙門。嗣作彙目義門。並可稱良工苦心。然標目僅順宋藏次第。略指端倪。固未盡美。義門創依五時教味。麤陳梗槩。亦未盡善。旭以年三十時。發心閱藏。次年晤壁如鎬兄於博山。諄諄以義類詮次爲囑。於是每展藏時。隨閱隨錄。凡歷龍居。九華。霞漳。溫陵。幽棲。石城。長水。靈峰。八地。歷年二十禩。始獲成稿。終不敢剖破虛空。但藉此稍辨方位。俾未閱者。知先後所宜。已閱者。

達權實所攝。義持者可卽約以識廣。文持者可會廣以歸約。若權若實。不出一心。若廣若約。咸通一相。故名之爲閱藏知津云。

甲午重陽後一日北天目沙門釋智旭撰

緣起

古德云。般若如大火聚。四面不可入。又云。般若如清涼池。四面皆可入。般若其有二乎哉。何一不可入。一可入也。余鈍根學佛有年。不獨大火聚不能捱身。卽清涼池亦無能插足。惟是嘗聞華嚴普賢行願品有剝皮爲紙。刺血爲墨。書寫經卷。積如須彌。故每於方冊經卷。少刻流通。非敢云作檀度法施。蓋欲藉此稍種般若種子耳。昔者靈峰大師開講報恩三藏。余因得親法席。後欲輒申供養。師囑云。吾有閱藏知津一書。共四十八卷。計一千餘紙。居士能爲我梓行。則勝

如以四事給我矣。師化去忽十年。塵務紛紛。未得酬此願。去夏癸卯。勉力抽資。并勸一二同志。共襄其事。遂鳩工藏舍倡刻。至今夏甲辰。得以告成。所願刻施微因。用薦先父思山府君。先母魏氏孺人。脫苦惱於三途。證蓮華於九品。更冀閱是書者。一展卷時。如扁舟漁父。忽然誤入桃源。則如來法海。雖寬廣無涯。一彈指間。可以卽登彼岸矣。其他律教之異同。禪淨之差別。具述大師序中。茲不更贅。余因述發心刻施之緣。聊識數言。以記歲月如此。

溧水佛弟子夏之鼎和南述

閱藏知津凡例

一義門但分五時。不分三藏。謂三藏小教。但屬阿含一時也。然天台備明五時。各論通別。別則但約一類機緣。通則華嚴乃至涅槃。無不徧該一代。又從古判法。多分菩薩聲聞兩藏。就兩藏中。各具經律論三。若據智度論說。則凡後代撰述合佛法者。總可論藏所收。若據出曜經說。則於經律論外。復有第四雜藏。今謂兩土著作。不論釋經宗經。果是專闡大乘。則應攝入大論。專闡小道。則應攝入小論。其或理兼大小。事涉世間。

二論旣不可收。故應別立雜藏。

一若據五時次第。則華嚴之後。應敘阿含。然以小教加於方等般若之前。甚爲不可。故必大小各自爲類。庶顯權實輕重不同。

一據密部之中。亦有以華嚴爲名者。亦有以般若爲名者。亦有以法華爲名者。但旣涉壇儀印呪。並屬祕密一宗。只此密宗。並是方等大教。並通四十九年所說故也。

一法華涅槃。雖同醍醐一味。而一重顯實。一重談常。故仍分二也。

一大乘律。本在諸經論中。不同小乘條然各別。今爲令學菩薩戒者。易於尋究。故順歷代藏經舊例。仍列數種。而出沒取捨。略與舊目不同。

一大乘論藏。自有釋經宗經及轉釋諸論之不同。今故分爲三別。三中又各先敘西土。後敘此土。所以尊天竺也。

一此土釋大乘經。雖有巧拙淺深不同。然旣附經文。不可攝入雜藏。故並入論藏中。若義門各附經論之後。又似經論太無分別矣。

一此土述作。唯肇公及南嶽天台二師。醇乎其醇。

真不愧馬鳴龍樹無著天親。故特收入大乘宗論。其餘諸師。或未免大醇小疵。僅可入雜藏中。一西土撰述。但以義兼大小。或復事涉抄撮。故名爲雜。此方撰述。則以諸家不同。體式亦異。故名爲雜。

一此土淨土宗。如妙宗鈔。十疑論等。台宗。如玄義文句。三止觀等。賢首。如華嚴疏鈔等。並已收入大乘論藏。故所列咸皆無幾。俟法海觀瀾中。乃當備列各宗要書。

一義目於華嚴法華等經。便取賢首溫陵等意旨。

釋之。未免依他作解。障自悟門。今但列其品題。并品中事理大概。使人自知綱要。唯至疏鈔玄文。方略出其釋經之法。使知各家製立軌則不同。

一義目每於重單譯中。先取單本總列於前後。以重本別列於後。相去懸隔。查考稍難。又每以先譯爲主。不分譯之巧拙。致令閱者不知去取。今選取譯之巧者一本爲主。其餘重譯卽列於後。俾不能徧閱者。但閱其一。卽可得旨。若能徧閱者。連閱多譯。便知巧拙之得失也。

一凡重譯本。於總目中。卽低一字書之。使人易曉。至後錄中。則與主本。或全同。或稍異。仍備明之。使人知其或應並閱。或可不閱也。

一諸經或已流通。則人多素曉。或雖未流通。而卷帙不多。則人易翻閱。故所錄皆略。唯大般若。實爲佛祖迅航。而久不流通。卷盈六百。故所錄稍詳。又寶積大集。及諸密部。并阿含等。凡卷帙多。而人罕閱者。亦詳錄之。庶令人染一指而知全鼎之味云爾。

閱藏知津總目卷第一

北天目沙門釋智旭 編次

第一經藏二分一大乘經二小乘經

第二律藏二分一大乘律二小乘律

第三論藏二分一大乘論二小乘論

第四雜藏二分一西土撰述二此方撰述

○一大乘經五部一華嚴部二方等部三般若部

四法華部五涅槃部

○一華嚴部

卷一

◎大方廣佛華嚴經

八十卷

拱平章愛育黎首臣

◎大方廣佛華嚴經入不思議解脫境界普賢行願

品

四十卷

南伏戎羌
北伏戎羌遐

大方廣佛華嚴經卷六十

湯坐朝問道垂

佛說兜沙經

四紙半

南邇
北壹

佛說菩薩本業經

十一紙半

南邇
北壹

諸菩薩求佛本業經

九紙半

南邇
北率

菩薩十住行道品經

七紙欠

南邇
北率

佛說菩薩十住經

四紙欠

南邇
北率

漸備一切智德經

五卷

南邇
北率

十住經

六卷

南壹
北體